

寒

外傷金鏡錄
小兒痘疹

外傷金鏡錄序

夫人之受病傷寒爲甚傷寒之治仲景爲詳人皆鑽
之而未必能行之者豈非以其法浩繁有難卒貫者
乎舊有敖氏金鏡錄一篇專以舌色視病旣圖其狀
復著其情而後別其方藥開卷昭然一覽具在雖不
期乎仲景之書而自悉合乎仲景之道可謂深而返
約而要者矣予昔承之 留都嘗刻之大醫官舍本
皆繪以五采恐其久而色渝因致謬誤乃分注其色
於上使人得以意會焉今廷尉景山錢公體仁轉旆
一旦見而悅之遂命工登梓名之曰外傷金鏡錄蓋

寒之所傷本自外至嘗見傷於內亦有徵焉將鉉在
而繼傳之茲姑以外別之也所以然者人之一身皆
受生於天心名天君故獨爲此身之主舌乃心之苗
凡身之病豈有不見於此者尚何內外之間哉特惠
人之不化耳

嘉靖丙辰秋日奉政大夫太醫院院使致仕姑蘇薛
已撰

張氏傷寒金鏡錄

清碧學士杜先生著

凡傷寒熱病傳經之邪比雜病不同必辨其脉瘧舌
表裏汗下之度不有悞况脉者血之府屬陰當其得
病之初正氣相搏若真氣未衰脉必滑數而有力病
久熱甚氣衰脉必微細而無力方數甚也但可養陰
退陽此識脉之要也或初病卽惡寒發熱後必有渴
水燥熱之證或逆厥而利此熱瘧傳經之邪也若始
終皆熱瘧惟熱而不惡寒故傷寒爲病初則頭痛必
無發熱惡寒渴水之瘧一病便有逆厥泄利或但惡

寒而無發熱此寒瘧也此識瘧之妙也如舌本者乃
心之竅於舌心屬火主熱象離明人得病初在表則
舌自紅而無白胎等色表邪入於半表半裏之間其
舌色變爲白胎而滑見矣切不可不明表瘧故邪傳
於裏未罷則舌必見黃胎乃邪已入於胃急宜下之
胎黃自去而疾安矣至此醫之不依次誤用湯丸失
於遲下其胎必黑變瘧蜂起此爲難治若見舌胎如
漆黑之光者十無一生此心火自炎與邪熱二火相
乘熱極則有兼化水象故色從黑而應水化也若乃
臟腑皆受邪毒日深爲瘧必作熱瘧雖宜下之乃去

胃中之熱否則其熱散入絡臟之中鮮有不死者譬
如火之自炎初則紅過則薪爲黑色炭矣此亢則害
承迺制今以前十二舌明著猶恐未盡諸瘡復作二
十四圖并方治列於左則區區推源尋流實可決生
死之妙也

時至正元年一陽月土澣之日

傷寒用藥說

夫醫者何猶防之將也凡視人疾在究其淺深之異而療之且疾之襲人若寇之侵境方其至也必瞰其勢之強弱先以安撫次以講和戒嚴守禦以防其返也如堅然不退至再至三恣強肆侮意謀土地當此之際柰何必選將鍊兵剋期致戰寇滅乃已若愴惶無措則地土陷矣豈非將者不識韜略不知合變以致悞也可勝嘆哉夫今之醫不閱方書不察脈理臨瘥茫然當解而不解當吐下而不吐下畏首畏尾顛倒錯亂助病日深殊不知醫乃司命其可輕忽如此

大抵病之輕淺者卽爲和解深重者卽便攻擊故曰
用藥之時膽欲大而心欲小毋使君臣失職佐使不
當反嫁疾焉苟能如將之用兵進退合宜操存有法
何疾之不愈也余每察脉用藥覺有疑滯幸承先師
之誨故姑撮其要領以告後人云

至正改元一陽吉日永和三仙至人蕭璜鳴書

驗證舌法

吳郡薛 巳著新都吳玄有按

白胎舌



舌見白胎滑者邪初入裏也丹田有熱胃中有寒乃少陽半表半裏之證也宜用小柴胡湯

小柴胡湯 方見後

梔子豉湯 方見後

將 瘟 舌

純紅

舌見紅色執蓄於內也不問何經宜用透頂清神散
治之

透頂清神散

猪牙皂角

細辛

白芷

當歸

右為末等分和勻令病人先嚙水一口以藥少許
吹鼻內吐去水取嚏為度未嚏仍用藥吹入凡瘟

疫之家不拘已未患者皆宜用之

中焙舌



舌是純紅內有黑形如小舌者乃邪熱結於裏也
火熾盛反兼水化宜涼膈散大柴胡湯下之

涼膈散 方見後

大柴胡湯 方見後

卷之六

生癍舌

純紅

舌見紅色而有小黑色者熱毒乘虛入胃當熱則發癍矣宜用玄參升麻葛根湯化斑湯解之

玄參升麻葛根湯

即玄參升麻湯加葛根方見後

化斑湯

即白虎湯加人參方見後

紅星舌



舌見淡紅中有大紅星者乃少陰君火熱之盛也所
不勝者假火勢以侮脾土將欲發黃之候也宜用茵
陳五苓散治之

茵陳五苓散 方見後

黑尖舌

淡紅

舌見紅色尖見青黑者水虛火實腎熱所致宜用竹葉石膏湯治之
方見後

裏圈舌

淡
紅
純
黑

舌見淡紅色而中有一紅暈沿皆純黑乃餘毒遺於
心胞絡之間與邪火鬱結二火亢極故有是證也以
承氣湯下之

承氣湯 方見後



後亦有此形

舌見紅色更有裂紋如人字形者乃君火燔灼熱毒
炎上故發裂也宜用涼膈散

涼膈散 方見後

蟲

碎

舌



舌見紅色更有紅點如蟲蝕之狀者乃熱毒熾甚火
 在上水在下不能相濟故也宜用小承氣湯下之
 小承氣湯 方見後

裏

黑

舌

純


紅



舌見紅色內有乾硬黑色形如小長舌有刺者此熱
毒熾甚堅結大腸金受火制不能平木故也急用調
胃承氣湯下之

調胃承氣湯方見後

舌陰厥



舌見紅色內有黑紋者乃陰毒厥于肝經肝主筋
舌見如絲形也用理中合四逆湯溫之

甘草 六錢

乾薑 半兩 炮

附子 一枚 去皮 生作八片

右每服五錢水一鍾煎六分不拘時溫服

理中湯 服法如前

人參

甘草 炙

乾薑 炮

白朮 炒

死現舌

舌見黑色水剋火明矣患此者百無一治治者審之

余在留都時地官主事鄭汝東妹壻患傷寒得此
舌院內醫士曾禧謂當用附子理中湯人咸驚駭
遂止亦莫能療困甚治棺曾與之隣徃視之謂用
前藥猶有生理其家既待以死拚從之數劑而愈
大抵舌黑之症有火極似水者卽杜學士所謂薪

爲里密灰之意也宜涼膈散之類以瀉其陽有水來
剋火者卽曾醫士所療之人是也宜理中湯以消
陰翳又須以老生姜切平擦其舌色稍退者可治
堅不退者不可治

弘治辛酉金臺姜夢輝患傷寒亦得此舌手足厥
冷吃逆不止衆醫猶作火治幾致危殆判院吳仁
齋用附子理中湯而愈夫醫之爲道有是病必用
是藥附子療寒其效可數柰何世皆以爲必不可
用之藥寧視人之死而不救不亦哀哉至於火極
似水之症用藥得宜效應不異不可便謂爲百無

一治而棄之也

敖氏傷寒金鏡錄圖方

黃

黃胎

白

舌

舌見尖白根黃其表證未罷也須宜解表然後方可
攻之如大便秘者用涼膈散加硝黃泡服小便澀者
用五苓散加木通合益元散加薑汁少許以白滾湯
調服

涼膈散

生甘草 二兩

連翹 四兩

山梔 一兩

大黃 二兩

黃芩

薄荷葉

朴硝 各一兩

右每服一兩水二盞淡竹葉二十餘片煎至一盞去粗入生蜜少許熱服以利為度

五苓散 加茵陳即茵陳五苓散

茯苓

猪苓

白朮 各一兩

桂 五錢

澤瀉 二兩

木通

滑石

甘草 炙各一兩

右為末每服五錢入薑汁并蜜各少許白滾湯調

服

黑心舌



舌見弦白心黑而脉沉微者難治脉浮滑者可汗沉
實者可下始病即發此色乃危殆之甚也速進調胃
承氣湯下之

調胃承氣湯

甘草 三錢

大黃 六錢

硝石 二錢

右用水一鍾半先煎甘草大黃將熟去粗下芒硝
再煎三五沸頓熱服

十五舌



舌尖白胎二分根黑一分必有身痛惡寒如飲水不
至甚者五苓散自汗渴者白虎湯下利者解毒湯此
亦危證也

五苓散 方見前

白虎湯

知母 五分 錢

甘草 炙 錢

石膏 四 錢

粳米 一握

右每服一兩用水一鍾半入糯米先煎下諸味再煎去粗服之加人參亦可

解毒湯

黃連 一兩

山梔子 二十箇

黃柏

黃芩 各五錢

右每服五錢水一鍾半煎至一鍾去粗頓熱服

十 六 舌



舌見白胎中有黑小點亂生者尚有表證其病來之
雖惡宜涼膈散微表之表退即當下之下用調胃承
氣湯

涼膈散 方見前

調胃承氣湯 方見前

十 七 舌



凡人參朮四
凡水牛動牛人
甘草粉

舌見如灰色中間更有黑暈兩條此熱乘腎與命門也宜急下之服解毒湯三三五次遲則難治如初服量加大黃酒浸炮

解毒湯 方見前

十 八 舌

微黃色

舌見微黃色者初病即得之發譫語者由失汗表邪入裏也必用汗下兼行以雙解散加解毒湯兩停主

之

雙解散加解毒湯

防風

川芎

當歸

芍藥

大黃

麻黃

連翹

芒硝

石膏

黃芩

桔梗

滑石

甘草

荊芥

白朮

山梔

右每服二兩水一鍾半薑三片煎八分服不拘時

一云有桂枝二兩

一兩

半兩

各一兩

二兩

各半兩

各半兩

九十舌

白胎

微黃

舌中見白胎外有微黃者必作泄宜服解毒湯惡寒

者五苓散

五苓散

方見前

解毒湯

方見前

微黃

舌見微黃色者表證未罷宜用小柴胡湯合天水散
主之可下者大柴胡湯下之表裏雙除臨證審用之
小柴胡湯

柴胡 四錢

黃芩

甘草

人參

半夏 泡各二錢

右每服一兩水一鍾半薑三片棗一枚煎一鍾溫

服

天水散

甘草 炙一兩

桂府滑石 六兩

右各另為末每服五錢入生薑汁并蜜各少許用

白滾湯任意調服如發表用豆豉葱頭煎湯調服

大柴胡湯

柴胡 四錢

黃芩

芍藥 各一錢五分

半夏

大黃 二錢五分

枳實 二錢 楚炒

右咬咀每服八錢水一鍾半薑三片棗一枚煎一

鍾溫服

十二一舌

黃色

色本

舌見黃色者必初白胎而變黃色也皆表而傳裏熱已入胃宜急下之若下遲必變黑色為惡證為九害鬼賊邪氣深也不治宜用調胃承氣湯下之

調胃承氣湯

方見前

舌二十二

白胎

本色

服之 舌左白胎而自汗者不可下宜白虎湯加人參三錢

舌三十二

白胎

本色

舌右白胎滑者病在肌肉為邪在半表半裏必往來
寒熱宜小柴胡湯和解之

小柴胡湯

方見前

白胎

本色

二十四舌

舌左見白胎滑此臟結之證邪併入臟難治

二十五舌

黃

白

舌見四圍白而中黃者必作煩渴嘔吐之證兼有表者五苓散益元散兼服須待黃盡方可下也

益元散 方見前

五苓散 方見前

十二六舌



舌見黃而有小黑點者邪遍六腑將入五臟也急服

調胃承氣湯下之次進和解散十救四五也

調胃承氣湯 方見前

和解散

陳皮

厚朴

薑制衣各一錢

藁本

桔梗

甘草

炙各五分

蒼朮

三錢

右水一鍾半薑三片棗二枚煎七分去粗不拘時服

三子七舌

黃色

色白

舌見黃而尖白者表少裏多宜天水散二服涼膈散
二服合進之脉弦者宜防風通聖散

天水散 方見前

涼膈散 方見前

防風通聖散

方見前

十二

純黃

舌見黃而澁有隔瓣者熱已入胃邪毒深矣心火煩渴急宜大承氣湯下之若身發黃者用茵陳湯下血

用抵當湯水在脇內十棗湯結胸甚者大陷胸湯痞

用大黃瀉心湯

大承氣湯

厚朴 皇製 三錢

枳實 楚炒 二錢

大黃 三錢

芒硝 錢

右每服一兩水一鍾半先煎枳實候熟入大黃再

煎數沸入芒硝煎三五沸去粗熟服

茵陳湯

茵陳 五錢

大黃 三錢

山梔子 七枚

右每服一兩水一鍾半先煎茵陳半熟次入二味

再煎去粗通口熱服

抵當湯

水蛭 糯米炒 七箇

蝨蟲 炒去毛 七箇

大黃 三錢

右作一服水一盞半煎一鍾去粗通口服

十棗湯

莞花

醋浸炒

大戟

甘遂

各等分

右每服二錢弱人減半以水一鍾半大棗十枚劈碎煎取八分去粗通口服

大陷胸湯

大黃

七錢

芒硝

三錢

甘遂

四分

右用水二鍾先煎大黃至一鍾去粗下芒硝煎三五沸冉下甘遂末溫服取利

大黃瀉心湯

大黃

五錢

黃連

黃芩

各三錢五分

有作一服水二鍾煎一鍾去粗通口溫服若有
食痰飲者加半夏麴二錢

微


黑灰色

二十九

紅

舌見四邊微紅中央灰色者此由失下而致用大
承氣湯下之熱退可愈必三四下方退五次下之而
不退者不治

大承氣湯方見前



舌見黃而黑點亂生者其證必渴讖語脉實者生脉
瀉者死循衣摸床者不治若下之見黑糞亦不治下

宜大承氣湯

大承氣湯 方見前

三十一舌

黃

色

舌見黃中黑至尖者熱氣已深兩感見之十當九死
惡寒甚者亦死不惡寒而下利者可治宜用調胃承
氣湯主之

調胃承氣湯 方見前

卷之...

...

...

三十二舌

淡

淡黑

紅

舌見外淡紅心淡黑者如惡風表未罷用雙解加解
毒湯相半微汗之汗罷急下之如結胸煩躁目直視
者不治非結胸者可治

雙解散

方見前

解毒湯

方見前

舌三

灰色


輕黃

舌見灰色尖黃不惡風寒脈浮者可下之若惡風惡寒者用雙解散加解毒湯主之三四下之見糞黑不

治
雙解散 方見前

解毒湯 方見前

舌四十三



舌見灰黑色而有黑紋者脉實急用大承氣湯下之
脉浮渴飲水者用涼膈散解之十可救其二三

舌五十三



舌

舌根微黑尖黃脉滑者可下之脉浮者當養陰退陽
若惡風寒者微汗之用雙解散若下利用解毒湯十
生七八也

雙解散 方見前

解毒湯 方見前

三十六舌
色灰



舌根微黑尖黃隱見或有一紋者脉實急用大承氣

卷之六 經方 三十四

湯下之脉浮渴飲水者用涼膈散解之十可救其二

三

一已上三十六舌乃傷寒驗證之捷臨證用心處之

百無一失

積毒

類類

至少八世

風寒在肺之類

舌紫黑尖黃

陳氏小兒痘疹方論

薛氏醫按

吳郡薛 已註

江郡魏 一元校

嘗謂小兒病症雖多而瘡疹最爲重病何則瘡疹之病蓋初起疑似難辨投以他藥不惟無益抑又害之况不言受病之狀孰知畏惡之由父母愛子急於救療醫者失察用藥差舛鮮有不致夭橫者文中每思及此惻然於心因取家藏已驗之方集爲一卷名之曰小兒痘疹方論刻梓流布以廣古人活幼之意顧不遑歟

和安郎判太醫局兼翰林良醫陳文中謹書

論痘疹受病之由

夫小兒在胎之時乃母五臟之液所養成形也其母不知禁戒縱情厚味好啖辛酸或食毒物其氣傳於胞胎之中此毒發爲瘡疹名曰二穢液毒○一五臟六腑穢液之毒發爲水泡瘡○二皮膜筋肉穢液之毒發爲膿水泡瘡○三氣血骨髓穢液之毒發爲膿血水泡瘡三毒既出發爲疹痘瘡也子母俱忌食葱韭薤蒜醋酒鹽醬獐兔雞犬魚腥等物世俗未曉將爲發舉往往不顧其後誤傷者多矣

論痘疹治法

凡小兒瘡疹未出已出之間有類傷寒之狀增寒壯熱身體疼痛大便黃稠此正病也若無他疾不必服藥

愚按痘疹若小兒首尾平和自有勿藥之喜蓋其腸胃軟弱易爲虛實故必不得已折其太過益其不足可也

凡瘡瘡疹先分表裡虛實如表裡俱實者其瘡易出易靨表裡俱虛者反是表實裡虛者其瘡易出難靨表虛裡實者亦反是若始出一日至十日渾身壯熱

大便黃稠乃表裡俱實其瘡必光澤起發滿肥且易
磨也

愚按治痘疹之法與癰疽無異若邪氣在裡而實
熱者用前胡枳殼散元氣怯而虛熱者用參芪四
聖散虛弱者用紫草木香湯虛寒者用參芪內托
散虛寒內脫者用木香散若邪氣在表而實熱者
用麻黃甘葛湯此要法也餘見各症

凡瘡疹已出未出之間或瀉渴或腹脹或氣促謂之
裡虛急用十一味木香散治之

愚按經云真氣奪則虛邪氣勝則實實謂邪氣實

而真氣虛也然倒靨瀉渴等症若喜熱飲食手足
並冷或不食嘔吐者是爲陽氣虛寒也用辛熱之
劑補之喜冷飲食手足不冷或唇舌黑裂者陽氣
實熱也用苦寒之劑瀉之

凡瘡疹已出未愈之間不光澤不起發不紅活謂之
表虛急用十二味異功散治之

愚按張翼之云吐瀉少食爲裡虛陷伏倒靨灰白
爲表虛二者俱見爲表裡俱虛用異功散救之甚
至薑附靈砂亦可用若止裡虛減官桂止表虛減
肉苳蔻若能食便閉而陷伏倒靨者爲裡實輕用

射于鼠粘子湯重用前胡枳殼散下痢吐瀉能食
為裡實若用實裡則結癰毒紅活綻凸為表實若
用補表則潰爛不結痂凡痘一見癍點便忌葛根
湯恐發得表虛也

凡痘瘡已出未愈之間不光澤不起發不紅活或腹
脹或瀉渴或氣促謂之表裡俱虛急用十二味異功
散送七味肉苳蔻丸治之

愚按前症審係表裡虛寒急用前法緩則不救○
一小兒出痘不起發紅活腹脹瀉渴皆以為不治
施院使謂表裡虛寒用十二味異功散一劑即起

發紅活諸症頓退又用參芪內托散貫膿而腐○
儒者薛戒甫子五歲出痘三四日下紫血日數滴
至八日不止而瘡不起御醫錢春林謂脾氣虛寒
用木香散二劑用丁香十一粒人參五錢一日服
之次日痘皆起而有膿由是血漸止二十餘日而
愈○一小兒起發紅活但不時作痒口乾作渴便
血面赤發熱先君謂腸胃有熱先用濟生犀角地
黃湯加棗胡一劑諸症漸退形體倦怠此邪氣去
而形氣虛弱耳用四君子湯加當歸黃芪紅花二
劑而安○一小兒痘瘡赤痛煩熱作渴或便血或

衄血先君用犀角地黃湯而血愈又用紫草快癩
湯加黃芪芍藥而愈後瘡痕色白用四君歸芪治
之而痊○一小兒出痘吐血其痘赤痛如錐或瘡
出血余謂肝火熾盛用小柴胡湯加生地一劑隨
用濟生犀角地黃湯一劑頓愈又用芹菜汁而痊
○一小兒痘瘡下血而不起發先君謂氣血不足
用紫草快癩湯加參芪歸朮治之血止瘡起但貫
膿遲緩用八珍湯倍加參芪數劑瘡靨而根白痒
此氣血虛而熱也用八珍湯二十餘劑而愈○一
小兒痘疹大便下血小便甚赤瘡顆色赤發熱飲

冷先君謂熱毒鬱滯先用八正散一劑後用解毒
防風湯一劑頓愈又飲芹菜汁而全痊○一小兒
痘正發而便血倦怠少食作渴飲湯余謂倦怠便
血此脾虛而不能攝血也少食作渴此脾虛而津
液短少也用五味異功散加升麻紫草治之而愈
○一小兒便血腹脹困倦發熱口乾飲湯四肢逆
冷先君以爲脾氣虛寒不能攝血用五味異功散
加丁香十粒炮薑五分二劑血止痘貫而靨○一
小兒七歲患痘瘡腹脹八九日矣先君云當急補
脾土不信仍服消毒之藥忽大便下血甚多而歿

○一小兒作渴泄瀉發熱飲冷唇舌皸裂瀉盡穢
臭先君以爲內熱所作用前胡枳殼散一劑稍愈
又用清涼飲加漏蘆乳母服之兒頓安

凡小兒斑駁疹毒之病俗言疹子是肺胃蘊熱因時
氣薰發於外狀如蚊蚤所咬赤則十生一死黑則十
死一生大抵遇春而生發至夏而長成乃陽氣薰蒸
故得生成者也臟腑調和血氣充實則易出易靨蓋
因內無冷氣外常和煖也凡痘疹熱渴切不可與瓜
柿審水等冷物及清涼飲消毒散等藥恐損脾胃則
腹脹喘悶寒戰咬牙而難治蓋咬牙者齒稿也乃血

氣不榮不可妄作熱治

愚按前症若兼吐瀉手足指冷者屬內虛寒而外
假熱也急用木香散如不應用異功散若大便秘
通渴欲飲冷者則前所禁蜜水之類又當用矣但
宜審其熱之虛實若屬虛熱者雖欲水拒之而不
飲當用人參白朮散熱渴自止屬實熱者自甚索
水且喜而飲之當以犀角磨水服諸症卽解其後
亦無餘毒之患矣北方出痘不拘冬夏若喜冷者
再不用藥但與水飲無有不愈蓋北方地燥而又
睡熱炕故也○一婦人患時疫將愈更出痘瘡大

起發體倦痛甚則昏憤煩渴飲湯不思食用十全
大補湯及朱砂末其痛頓止食進體健仍用前湯
倍加參芪十餘劑而貫膿又數劑而愈○一妊婦
發熱作渴遍身骨節作痛用仙方活命飲二劑諸
症稍愈至十一日出痘百餘顆形氣甚倦用紫草
木香散又出少許但口乾作渴用人參白朮散而
渴止用八珍湯加柴胡丹皮而貫膿後去丹皮柴
胡倍加參芪數劑而痘靨○一男子年將三十出
痘根窠赤痛發熱作渴服紫草飲之類前症益甚
痘裂出血余用小柴胡加生地犀角一劑諸症頓

減又用聖濟犀角地黃湯而貫膿再用八珍湯而
結痂○一小兒煩燥飲冷不止先君用濟生犀角
地黃湯頓愈後渴而喜熱又用當歸補血湯而痊
惟倦怠少食用七味白朮散而痊○一小兒患此
飲冷不止或痘脹痛先君用濟生犀角地黃湯并
芹菜汁而頓愈

凡痘瘡出不快多屬於虛若誤謂熱毒壅盛妄用宣
利之劑致臟腑受冷榮衛澹滯不能運達肌膚則瘡
不能起發充滿後不結實成痂痒塌煩躁喘渴而歿
愚按前症亦有各經熱盛壅遏而出不快者亦有

毒甚痘疔而不能發起者亦有餘毒而潰痒者當
細審其因而藥之○一小兒九歲出痘六日痒塌
寒戰院使錢密菴用十一味木香散二劑貫膿用
參芪托裡散而靨後痕白作痒用十全大補湯而
愈○一小兒痘瘡膿未滿面赤作痒余謂氣血虛
而有熱欲用溫補之劑不信乃服清熱之藥至十
三日瘡痕色赤虛煩作渴腹痛不食手足逆冷而
歿○一小兒未週歲痘瘡焮痛出血哭不能已診
其母有肝火先用小柴胡加山梔生地與母服子
飲數滴頓愈又用加味逍遙散而痊○一小兒出

痘內有痘疔數枚雖挑破出黑血熱毒不解餘痘
不發皆以爲不治先君以仙方活命飲餘唯一劑
痘疔解而諸痘亦愈○一小兒痘疔患在醫問色
黑大痛挑出黑血仍復堅痛皆以爲不治先君用
隔蒜灸數壯痛止色淡而軟挑出黑血甚多灌以
活命飲患處及諸痘貫膿而愈

凡小兒纔覺傷風身熱是否瘡疹便服四味升麻葛
根湯

愚按痘疹未明而元氣實者最宜前湯若元氣虛
者又當詳治恐發得表虛而痘難出也○一儒者

年三十餘因勞役倦怠發熱服補中益氣湯數劑
發赤點以爲癍另服升麻葛根湯一劑更加惡寒
仍服益氣湯四劑至九日出痘甚多余用八珍湯
加黃芪白芷紫草四劑至二十日膿始貫用十全
大補湯月餘而靨

凡痘疹始出一日至五七日之間雖身熱或腹脹足
稍冷或身熱瀉渴或身熱驚悸腹脹或身熱出汗者
服十一味木香散

愚按前症屬脾氣虛寒假熱非此藥不救如未應
佐以六君子專補脾氣更不應加木香補骨脂肉

薏兼補腎氣○一小兒第五日不紅活至九日
膿不滿余謂氣血虛弱用十全大補湯治之庶
後患不信至脫痂痕作痒色白至十四日而歿
一小兒第七日膿清不滿形氣倦怠飲食少思
便不實用托裡散二劑手足指冷咬牙作渴用
香散倍用參芪一劑諸症頓退又用參芪四聖
四劑而愈

凡瀉水穀或白色或淡黃煎十一味木香散送七味
肉苳蔻丸治之瀉止者住服不止者多服

愚按前症若察其外症若唇青指冷睡而露睛

鼻氣寒瀉色青白脾腎虛寒也用前藥六君子湯
加補骨脂肉苳蔻若頰赤體熱睡不露睛口鼻氣
熱瀉色黃赤脾土實熱也用瀉黃散○一小兒腹
脹渴瀉氣促體倦先君以爲表裡俱虛用六君子
湯加歸芪送四神丸一服諸症頓退瘡勢頓正但
膿遲而渴仍用前湯加歸芪二劑瘡色紅活形體
頗安任其貫膿而痊

凡瀉頰津液內耗血氣不榮瘡雖起發亦不能靨也
如身溫腹脹咬牙喘渴者難治緣穀食去多津液枯
竭飲水蕩散真氣故多死矣速與六一味木香散救

之如不應急用十二味異功散

愚按前症兼手足指冷面色青白等症者屬陽氣
虛寒急用木香散陽氣脫陷用異功散脾氣虛弱
用六君子湯血氣虛弱用八珍湯不應用十全大
補湯○一小兒第九日不紅活不貫膿云殺於寸
三日陳院長謂屬虛寒用十一味木香散一劑漸
紅活貫膿又用紫草木香湯及人參白朮散而愈
○族姪孫衍慶六歲出痘稀少瘡痂悉落至十二
日身煩熱而畏寒手足逆冷厚衣圍火不能溫皆
謂不治余思大熱而不熱者是無火也急用人參

理中湯煎服一盃肢體頓溫更用人參白朮散調

理而痊○一男子年二十餘發熱煩躁痘黯出血

地熱腰痛用聖濟犀角地黃湯二劑而貫膿用地

丸料數劑而瘡靨○一男子年將三十出痘色

作渴飲水腰痛足熱耳聾余謂腎虛之症用加

八味丸料煎與恣飲熱渴頓止佐以補中益氣

加五味麥門而愈○一小兒十二歲出痘色黯

足及腰熱痛便秘咽舌乾渴引飲不絕衆謂腎

不治先君用加減八味丸料作大劑煎與恣飲

二劑諸症悉退又佐以補中益氣及八珍湯各

二十餘劑而痊

凡四五日不大便用嫩豬脂一塊以白水煮熟切豆
大與食之令臟腑滋潤使瘡痂易落切不可妄投宜
瀉之藥元氣內虛則瘡毒入裡多傷兒也

愚按前症若因熱內蘊宜用射干鼠粘子湯解之
或發熱作渴或口舌生瘡或咽喉作痛竝宜用之
凡瘡疹初出兩三日至十三日當忌外人及卒暴風
寒穢惡之氣輕者三次出大小不一頭面稀少眼中
無根窠紅肥滿光澤也重者一齊出如蚕種灰白色
稠密瀉渴身溫腹脹頭溫足冷也輕變重者犯房室

不忌口先曾瀉飲冷水餌涼藥也重變輕者避風寒常和煖大便稠也

愚按丹溪先生云痘疹密則毒甚用人參敗毒散犀角地黃湯或以涼藥解之雖數貼亦不妨○一小兒痘疹甚密至九日貫膿不滿色不紅活或云當歿於十二日余以爲氣血虛弱用八珍湯內加糯米百粒數劑至十五日膿完色正結痂而愈○一小兒五歲出痘密而色白屬虛弱也始末悉用補托之藥而安旬餘飲食過多忽作嘔吐面白兼青目唇牽動先君以爲慢脾風瘧用五味異功散

加升麻柴胡不信翌日手足時搐服前藥而不應
急加木香乾薑二劑而愈○一小兒第五日矣稠
密色黑煩躁喜冷先君以爲火極似水令恣飲冷
芹汁煩熱頓止乃以地黃丸料服之至二十餘日
而愈

凡身熱發煩渴者宜用六味人參麥門冬散治之如
不應用七味人參白朮散

愚按前症若渴而飲冷者脾胃實熱宜用麥門冬
散若渴而飲湯者氣虛熱渴宜用白朮散若大渴
引飲面赤血虛發躁也用當歸補血湯

凡痘瘡欲靨已靨之間而忽不能靨兼腹脹煩渴者
急用十一味木香散

一愚按前症若兼惡寒或四肢冷瘡毒去而脾胃虛
寒也宜用前藥若十指逆冷咬牙等症陽氣脫陷
也用十二味異功散脾氣虛陷用六君加川芎當
歸黃芪主之○一小兒九歲出痘第七日發熱煩
躁不貫膿色灰白寒戰咬牙瀉渴腹脹手足冷時
仲夏飲沸湯而不熱腹中陰冷先用木香散一劑
益甚用異功散一劑頓安又用六君子加附子三
分一劑後用調補之劑至十四日而愈

凡痘瘡欲靨已靨之間忽頭面溫足指冷或腹脹瀉
渴氣促者急服十二味異功散若十一日當靨不
靨身不壯熱心亂不寧臥則噁氣煩渴齒牙者急用
十二味異功散加歸朮以救陰陽表裡

凡痘瘡已靨煩渴不止或頭溫足冷或腹脹或瀉或
咬牙多致難愈急用十一味木香散以救之已上之
症若誤與密水生冷之物則轉加熱渴而灰

愚按前症屬脾胃虧損內真寒而外假熱耳非溫
補不救如前藥未應用十全大補湯加附子以純
補之○一小兒頭生一瘰出膿將愈忽瘰間腫脹

發痘二十餘顆遍身赤點用快癍湯而漸出用紫
草散倍加參芪而出定用托裡消毒散而膿貫用
托裡散而瘡癍○一小兒痘已靨其痕色赤而錯
縱日食粥七八碗作渴面赤先用白朮散二劑渴
減五六粥減大半又用四君加蕪荑黃連二劑痕
平色退乃用八珍湯加蕪荑山梔而痊○一小兒
痘瘡愈後泄瀉飲食不化此脾腎氣虛用六君加
補骨脂肉苳蔻浴之而愈○一小兒痘瘡將愈患
泄瀉侵晨爲甚飲食不化此脾腎虛也朝用補中
益氣湯夕用二神丸而愈

凡身壯熱經日不除如無他症用玄味柴胡麥門冬散治之熱退即止如不愈服七味人參白朮散

愚按前症若肝膽熱毒用柴胡麥門冬散若肝經血虛用四物湯加黃芪柴胡若中氣虛熱用人參白朮散

一男子患痘作痛發熱不止其勢可畏皆以爲不起施銀臺用消毒救苦湯治之諸症頓退予先用仙方活命飲痛全止又用八珍湯加紫草二錢四劑貫膿而靨○一小兒患痘稠密大痛發熱勢甚危急先君用消毒救苦湯一劑安臥良久遍身

出小痘頓消再劑俱貫膿而靨

凡身壯熱大便堅實或口舌生瘡咽喉腫痛皆瘡毒未盡用四味射干鼠粘子濕羅如不應用七味人參白朮散

愚按前症若壯熱飲冷屬熱毒在表宜用前湯若兼大便不滯屬熱毒在內少用四順清涼飲若熱毒既去胃氣虛而發熱用四物湯○一小兒六歲患痘陰血虧損而發熱用四物湯○一小兒六歲患痘第七日根顯赤痛大便秘結小便赤澀煩躁飲冷或用清涼解毒之劑未應錢密庵以爲熱毒內蘊

用四順清涼飲一劑并猪膽汁導下結糞而安又
用犀角地黃湯其痘自靨○一小兒痘癘發熱作
渴炊赤脹痛大便秘結先用四順清涼飲一劑諸
症頓退又用四味鼠粘子湯一劑諸症全退再用
紫草湯而貫膿用消毒飲而痘靨○一小兒痘愈
而聲瘖面赤足心發熱小便赤少先君以爲腎經
虛熱用六味地黃丸補中益氣湯而愈其時患是
症用清熱解毒者俱不起○一小兒十一歲患痘
第四日根盤紅活起發因痛甚不止至七日形氣
甚倦痘色淡而欲陷此因痛盛而傷元氣也先用

仙方活命飲一劑而痛止再用八珍湯而貫屬
凡風熱咳嗽咽膈不利用三味桔梗甘草防風湯治
之如不應用七味人參白朮散主之

愚按前症如痘熱內作宜用桔梗甘草防風湯如
兼痰熱咳嗽佐以抱龍丸若氣虛痰涎壅上宜用
人參白朮散以補脾肺○一小兒痘瘡十二日患
咳嗽十餘日不愈所服皆發表化痰余曰此脾肺
氣虛復傷真氣而變肺癰也不信仍服前藥果吐
膿血用桔梗湯而愈○一小兒痘將愈咳嗽面色
黃白嗽甚則亦用五味異功散調補而愈

凡涕唾稠粘身熱鼻乾大便如常小便黃赤用十六
味人參清膈散如不應用七味人參白朮散

愚按前症屬脾肺蘊熱痘邪爲患用清膈散解散

邪氣若脾肺虎熱不能司攝用人參白朮調補

中氣○一小兒痘赤壯熱咳嗽痰甚煩熱作渴用

人參清膈散一劑諸症頓退日用芹菜汁旬餘而

靨○一小兒痘瘡狂喘躁熱作渴飲冷痰涎不利

先君用十六味清膈散犀角地黃湯各一劑頓愈

又用當歸補血湯而愈○一小兒痘赤狂喘大便

不利先君治以犀角地黃湯芹菜汁而痊○一小

兒痘愈後涕唾口乾飲湯鼻塞或腹作脹先用白
朮散二劑後用六君子湯而愈

凡痰實壯熱胸中煩悶大便堅實臥則喘急速用五
味前胡枳殼湯治之

愚按前症若因腸胃蘊熱宜急用前湯緩則熱毒
延內多致有悞○一小兒患痘赤痛痰喘作渴大
便不利錢密庵用前胡枳殼散一劑諸症頓退又
用濟生犀角地黃湯二劑月餘而愈○一小兒第
八日根顆赤腫脹痛作渴大便下黑血煩渴痰喘
飲冷呻吟求治施銀臺以爲血熱毒留於內用聖

濟犀角地黃湯一劑諸症悉退又用消毒丸及化
班湯而愈○一小兒痘根色赤作痛發熱口渴喜
冷大便堅實用清涼飲一劑痛熱少減再劑便利
渴止却用聖濟犀角地黃湯而安用芹菜汁而醫
○一小兒痘根色赤作痛熱渴喜飲冷水大便不
利先用五味前胡枳殼散大便利而熱渴減又用
聖濟犀角地黃湯而安用芹菜汁而醫○一小兒
大便不利小便赤澁作渴飲冷先君用涼膈散一
劑漸愈又用濟生犀角地黃湯及芹菜汁而痊若
乳母有肝火兒患此症必用加味逍遙加黃芩犀

角兼治其母○一小兒痘已愈而痕赤作痛內熱
作渴二便不利先君用濟生犀角地黃湯及芹菜
汁而痊後用四物黃芪而安○一小兒痘痕白或
時痒作渴飲湯大便稀溏先君用五味異功散加
當歸黃芪而痊○一小兒痘痕白時或痒先君以
為氣血俱虛用八珍湯補之不信自用解毒之劑
後卒變慢脾風而歿惜哉

凡飲米雪不知寒者陽盛陰虛也飲沸湯不知熱者
陰盛陽虛也陽盛則補陰木香散加丁香官桂陰盛
則補陽異功散加木香當歸每一兩藥共加一錢

愚按陽盛者當用清涼飲以補陰陰盛者當用巽
功散以補陽須審的實而用若或少差死在反掌
前云乃傳寫之誤

凡痘瘡首尾若誤飲冷水瘡靨之後其痂遲落或生
癰腫或成疔蝕蓋脾胃屬土而主肌肉水濕所傷則
津液衰少榮衛澁滯不能周流故瘡痂遲落而生癰
腫

愚按痘癰之類屬血熱未解而內作外邪搏於肌
膚之間或餘毒蘊結經絡輕則肌表津淫瘙痒重
則肢節壅腫作痛若餘毒熾盛先用仙方活命飲

以解其毒却用托裡消毒散毒氣將盡用四君歸
芪以補托元氣大凡痘瘡始末皆係脾胃之氣所
主若飲食藥餌失宜多致變症故凡飲食少思內
熱晡熱者屬脾胃氣虛血弱佐以四君芎歸黃芪
升麻若飲食如常發熱作痛者屬氣血虛弱餘毒
爲患佐以射干鼠粘子湯若飲食如常發熱作痛
大便秘結者屬熱毒內蘊用大連翹飲如不應仙
方活命飲若根赤而作痒血虛也四物加牡丹皮
色白而作痒氣虛也四君加當歸芍藥色赤而作
痛血熱也四物加連翹金銀花腫而不潰血氣虛

也用托裡消毒散潰而不愈脾氣虛也用六君子
湯○一小兒痘毒蝕陷敷以雄黃散及服加味解
毒散而愈○一小兒痘毒遍身腐潰膿水淋漓以
經霜茅草研末鋪於寢席更服九味解毒散頓愈
用神效當歸膏敷之而痊○一小兒痘毒後腿膝
腫痛此脾腎虛而毒流注先用活命飲四劑腫痛
頓減再用補中益氣湯及六味地黃丸而痊○
小兒腿膝腫潰而膿水不止內熱晡熱體倦肌瘦
先君以爲元氣復傷用補陰八珍湯六味丸三月
餘而愈○一小兒痘已愈兩目昏閉先君用鼠粘

子湯加山梔龍膽草犀角目開而有赤白翳佐以
蛇蛻散外用二粉散尋愈

凡瘡疹已靨未愈之間五臟未實肌肉尚虛血氣未
復被風邪相搏則津液澁滯遂成疔蝕宜用雄黃散
綿蠻散等藥治之久而不愈則潰多致不起

愚按前症屬足陽明胃經其方解毒殺蟲之劑若
毒發於外元氣未傷者用之多效若胃氣傷損邪
火上炎者用蕪荑湯六味丸若赤痛者用小柴胡
湯加生地黃肝脾疔症必用四味肥兒丸及人參
白朮散更佐以九味蘆薈丸○一女子痘痧將脫

因其穢氣以湯浴已而身熱如炙四肢強直如發
瘳然此腠理開泄熱毒乘虛而入用十全大補湯
一劑頓安○一小兒痘出甚密先四肢患毒濃潰
而愈後口患疳涎蝕牙齦先用大蕪荑湯活命飲
各一劑又用清胃散加犀角及蟬蛻丸而愈後發
熱作渴口中作痛服蟬蛻丸搽人中黃而安

類集痘疹已效名方

葛根麥門冬散 治小兒熱毒斑疹頭痛壯熱心神

煩悶

葛根 三錢

麥門冬 去心 四錢

人參 一錢

石膏 半兩

川升麻

甘草

茯苓 各二錢

赤芍藥 一錢

右為麤散每服三錢水一大盞煎至六分去滓徐
徐溫服不拘時量大小增減

愚按前方足陽明胃經之藥也外除表邪內清胃

火兼補元氣若非發熱作渴表裏有熱者不可用

若表裡俱虛而發熱作渴者宜用人參麥門冬散

生地黃散 治小兒癰疹身熱口乾咳嗽心煩者

生地黃 半兩

麥門冬 去心七錢

杏仁

款冬花

陳皮 各三錢

甘草 二錢

右為麤散每服

水一大盞煎至六分去滓徐

徐溫服不拘時量大小加減

愚按前方若肺經有熱者宜用此方若痰氣上

佐以抱龍丸

惺惺散治小兒風熱瘡疹時氣頭痛壯熱目澁

睡咳嗽喘促

桔梗炒

真細辛

人參

甘草

白茯苓

真川芎

白朮

各一兩

右為麤散每服三錢水一大盞薄芎五葉生薑三

片同煎至六分去滓徐徐溫服不拘時候量大小
加減

愚按前症方若表虛風熱所乘而致諸症者宜用
此藥若表實內熱相搏而致諸症者宜用升麻葛
根湯若兼作渴飲冷者須用葛根麥門冬散大凡
瘡疹未出已出之間多增寒壯熱身體疼痛大便
黃稠此正病也若無他疾不必服藥

四味升麻葛根湯 治初發熱痘疹未明宜用此湯
以散之

白芍藥

炒

川升麻

一兩

甘草

葛根半 兩

右為麤散每服三錢水一大盞煎至六分去滓不

拘時徐徐溫服

愚按前方胃經發表之劑表實而熱毒壅滯於肌
肉者須用此藥以疎泄之恐虛其表而痘毒不能
托出也

十一味異功散

木香 大腹皮 人參

桂心 赤茯苓 青皮

前胡 訶梨勒去核 半夏姜製

丁香

甘草

炙各
三錢

右爲麤散每服三錢水一大盞生薑三片同煎至
六分去滓空心溫服量大小以意加減

愚按前方治痘瘡已出未愈之間其瘡不光澤不
起發不紅活或已出一日至五七日間或泄瀉作
渴或肚腹作脹氣促作喘或身雖熱而腹脹足指
冷或身熱而作渴或身熱而驚悸腹脹或
出不止或氣急寒戰咬牙或渴而飲水愈
欲齧而不齧或瘡痂欲落不落而反腹脹
指寒冷或驚悸或戰咬牙此脾胃終變虛

衰少此發內經微旨陰陽蘊奧非神於術者豈能
言哉前症乃陽氣內虛寒而外假熱如癰疽脾胃
虧損諸臟虛寒之敗症急用前散以救胃氣亦有

可生者

十二味異功散

木香 三錢半

官桂 二錢去粗皮

當歸 三錢半

人參 二錢半

茯苓 二錢

陳皮

厚朴 薑製二錢半

白朮 二錢

半夏 薑製一錢

丁香

茵苳蔻 二錢半

附子 炮去皮一錢半

右為麤散每服三錢水一大盞半生薑五片肥棗

三枚煎至六分去滓空心溫服三歲兒作三服五
歲兒作兩服一週兩歲兒作三五服病有大小以
意加減此藥家傳五世累經效驗

愚按前方治痘瘡已出未出不起發不光澤不紅
活謂之表虛宜用此藥治之若已出未愈瘡不光
澤或不起發不紅活或腹脹作渴泄瀉氣促謂之
表裏虛寒急用此藥送荳蔻丸或十一日間不磨
壯熱悶亂不寧臥則煩渴咬牙手足指冷數飲沸
湯而不熱圍火重衾而仍寒悉屬表裏虛寒也王
太僕云大寒而盛熱之不熱是無火也當益其

火急用前藥以回其陽亦有生者

肉苳蔻丸

七味

治瀉水穀或白或淡黃不能止者

木香

硝砂仁

二錢

白龍骨

半兩

呵子肉

半兩

赤石脂

七錢半

枯白礬

七錢半

肉苳蔻

半兩

右為細末用麵糊為丸如黍米大一周歲兒每服

三五丸三歲兒服百丸溫米飲下瀉甚者煎木

香散或異功散送下瀉止住服不止多服

愚按前方治陽氣虛寒腸滑泄瀉之澁劑蓋腎主

大便若因腎氣不固而致前症者宜用木香散送

四神丸如不應急煎六君子湯送四神丸補之蓋
芫蕘丸澁滯之功多補益之功少也

人參麥門冬散 治痘瘡微渴 一名麥門冬散

麥門冬 一兩 人參 甘草 炙

陳皮 白朮 厚朴 姜製各半兩

右為麤散每服三錢水一大盞煎至六分去滓徐
徐溫服不拘時量大小增減

愚按前方若痘瘡熱毒氣虛作渴宜用之若因氣
虛弱作渴用人參白朮散

清毒散 治痘毒 七日間身壯熱不大使其脈緊

盛者用此藥以微利之 一各清毒飲

牛旁子

四兩 杵炒

荆芥穗

甘草

炙各 一兩

右為麤散每服三錢水一大盞煎至八分去滓不
拘時徐徐溫服

愚按前方若毒在肌肉尚未能盡發而致斯症脉
浮而緊者最宜此藥踈解其毒若痘頓輕脉沉而
緊者毒在臟腑宜用前胡枳殼踈通以絕其源其
痘尤輕

柴胡麥門冬散 治痘瘡壯熱經日不止更無他症

此藥治之

即六味柴胡麥門冬散

柴胡二錢半

龍胆草炒一錢

麥門冬三錢

甘草炙

人參

黑參各一錢半

右為麤散每服三錢水一大盞煎至六分去滓不

拘時徐徐溫服量大小加減

愚按前方若痘瘡表熱根盤色赤焮痛作渴飲冷

或兩目作痛或素有肝火而患痘瘡者尤宜用之

射干鼠粘子湯治痘瘡壯熱大便堅實或口舌生

瘡咽喉腫痛皆餘毒所致

鼠粘子四兩炒

甘草炙

升麻

射干各一兩

右爲麤散每服三錢水一大盞煎至六分去滓徐

徐溫服

愚按前方若痘瘡初出發熱熾痛根盤赤盛或咽喉口舌疼痛作渴引飲者宜用若因胃氣虛弱發熱而致前症者宜用人參麥門冬散

桔梗甘草防風湯 治風熱咽喉不利

桔梗

炒

甘草

炙

防風

各等分

右爲麤散每服三錢水一大盞煎至六分去滓徐溫服不拘時量大小加減

愚按前方若上焦風熱或痰涎上攻咽喉不利或

口舌生瘡作渴引飲者須用此藥發散解毒痘雖
出亦在輕淺

人參清膈散 治涕唾稠粘身熱鼻乾大便如常小

便黃赤宜用此方治之

人參

柴胡

當歸

芍藥炒

知母炒

桑白皮炒

白朮炒

黃芪炒

紫苑

地骨皮

茯苓

甘草

桔梗炒各一兩

黃芩半兩

石膏

滑石各一兩

右爲麤末每服三錢水一大盞生薑三片同煎至六分去滓不拘時徐徐溫服量大小加減

愚按前症即癰疽因熱毒蘊結於臟腑經絡之間者當用此藥以疎導托裡調和榮衛使邪氣退則元氣不傷而痘瘡易愈也

前胡枳殼散 治痰實壯熱胸中煩悶大便堅實臥

則喘急

前胡一兩 枳殼 赤茯苓

大黃 甘草炙各半兩

右爲麤散每服三錢水一大盞煎至六分去滓不

卷之七 七

拘時量大小加減如身溫脈微并瀉者不可服

愚按前症若屬肺胃實熱氣鬱痰滯大便秘結小

便赤澁煩渴飲冷身熱脈數者宜用之以表散外

邪疎通內臟使邪氣不壅滯且痘瘡輕而易愈也

人參白朮散 治痘瘡已靨身熱不退此藥清神生

津除煩止渴

人參

白朮

藿香葉

木香

甘草

白茯苓

六味各一兩

乾葛

一兩

右為散每服三錢水一大盞煎至六分去滓不

拘時徐徐服

愚按前症若痘瘡已靨身熱或津液少而口乾
飲者胃氣虛弱也宜用人參白朮散若腹脹泄瀉
口乾足指寒冷者脾氣虛寒也宜用十一味木香
散若形寒惡寒嘔吐不食腹脹瀉渴等症乃脾氣
虛寒下陷也用六君子加升麻薑桂如不應急加
丁香若發熱煩躁身熱惡衣屬血脫發躁用當歸
補血湯大凡痘瘡若脾氣虛弱出不快者誤以爲
熱毒壅盛用涼藥宣利解散致脾胃受傷元氣愈
虛使瘡不起發不克滿不結靨不成痂而痒塌煩

躁喘渴死者多矣凡痘瘡首尾不宜與水則瘡醫
之後其痂落遲或生癰腫治失其法必成疔蝕瘡
血水不絕甚則面黃唇白多致難愈蓋脾胃屬土
而主肌肉故也

韶粉散 治小兒痘瘡纔愈而毒氣尚未全散瘡痂
雖落其癩猶黯或凹凸肉起當用此藥塗之

韶粉 一兩
輕粉 一錢

研和入煉猪脂油拌勻如膏薄塗瘡癩上如痘
欲落不落當用此方

羊髓骨髓 一兩

右煉入輕粉一錢研成白膏篋合盛之塗瘡上○
如痘瘡痒悞搔成瘡及瘡痂欲落不落用上等白
蜜塗之其痂自落亦無紫黑癰痕神妙

愚按前症若痘瘡痕赤而作痒屬血虛而有熱也
佐以四物牡丹皮若痕白而作痒氣虛而有熱也
佐以四君芎歸瘡痂欲落不落者脾經血氣虛八
珍湯若發熱而大便秘結者腸胃內熱也犀角消
毒丸發熱而大便調和者肺胃熱也麥門冬散膿
水淋漓者肌表熱也用敗草散敷之

雄黃散 治小兒因痘瘡牙齦生疳蝕瘡

雄黃 一錢

銅綠 二錢

右二味同研極細量瘡大小乾糝

綿蠶散

治小兒因痘瘡餘毒肢體節髀上有痒蝨

瘡膿水不絕

出蛾綿蠶

不拘多少

右用生白礬槌碎實蠶內以炭火燒礬汁乾取出

爲末乾貼疔瘡口內如腫骨作痛更服活命飲

愚按雄黃散清肝殺蟲解毒外治之方也其症所

感之經與所致之因各有不同若因手足陽明經

蘊熱所致者用犀角消毒散若因脾經疔熱者用

大蕪荑湯若因腎經虛熱者用地黃丸若因肝經
疳熱者用蕪荑湯送大蘆薈丸○其綿繭散總治
瘡毒膿水淋漓收斂之外劑若果係內無餘毒而
未痊者宜用斂之若因氣血虛而不斂宜用托裏
散若發熱腫痛大便不結用仙方活命飲更以隔
蒜灸法若腫痛作渴大便秘結用四順清涼飲若
大便已通腫痛未退仍用活命飲若發熱倦怠大
便調和用八珍湯加犀角如疳蝕未應急用隔蒜
灸若發熱口乾肢體倦怠用八珍湯加黃芪若飲
食少思肢體倦怠用五味異功散加當歸若膿水

不絕而發熱用四物參芪丹皮若膿水不絕而惡寒用四君歸芪惡寒發熱者用八珍黃芪若乳母肝經血虛發熱用加味逍遙散若肝經因怒發熱用加味小柴胡湯若肝經因鬱發熱用加味歸脾湯仍參前痘瘡首尾誤飲水證

穀精草散 治小兒痘瘡已靨眼目翳膜遮障瞳人聽澁淚出久而不退或十二三日瘡痂已落其瘡癍猶黯或凹或凸此肌肉尚嫩不可澡浴及食炙博辛辣有毒之物恐熱毒薰於肝膈日生翳障不能守禁而致患者須用此治之

穀精草 一兩

生蛤粉 二兩

右為細末以獾猪肝一葉用竹刀批片糝藥在內用草繩縛定入甕器內量用水慢火煮熟令兒食之愚按前症若痘瘡愈後餘毒入於肝經而作痛者宜用此方羊肝散亦効若肝經熱毒眼睛作痛佐以小柴胡湯加生地黃或犀角地黃湯

解毒湯

治

一切熱毒腫痛或風熱搔痒脾胃

黃連

三分

金銀花

連翹

各五分

右水煎服

愚按前症當審其臟腑部分及各隨所因而治之

若在乳下必當兼治其母

參湯散 治水痘

地骨皮半分炒

麻黃一分去節

人參一分

滑石半分

大黃一分濕紙煨熟

知母

羌活各一分

甜葶藶一分濕紙炒

甘草炙半分

右為末每服半錢水一小盞入小麥七粒同煎至十數沸每服三五匙不可多服

愚按前方發表散邪踈通內熱之峻劑若遍身作痛壯熱煩躁作渴飲冷大便秘結小便澁滯喘嗽等症宜用此方或前胡枳殼散然水痘多屬表邪

一若但發熱引飲小便赤色者當用升麻葛根湯如
無他症不必用藥也

右小兒瘡疹無正方論雖有王譚錢氏之書止見其
方未見其源療之者往往以藥宣利解散因耗傷真
氣遂至不救者多矣深可痛憫文中今將祖父秘傳
方論集爲一卷蓋守此方三十餘年全活者甚衆百
不失一今合廣其傳使患者無枉天之禍醫者有活
人之功此僕之夙心也

附方

三豆飲 治天行痘瘡始覺即服之多者必少少者

不出等症

小赤豆

黑豆

菘豆

甘草節

五錢

水煮熟任兒食之七日自不發

紫草木通湯治痘癰出不快

紫草

人參

木通

茯苓

糯米

各等分

甘草

減半

右每二錢水煎服

升均湯治痘瘡已出不勻或吐瀉發熱作渴

升麻

乾葛

芍藥

炒

人參

白朮 炒

茯苓

甘草

紫草 如無紅花代之

右每服三五錢薑水煎

參芪內托散 治痘瘡裡虛發痒或不潰膿或為倒

靨等症

人參

黃芪 炒

當歸

川芎

厚朴 姜製

防風

桔梗 炒

白芷

官桂

紫草

木香

甘草

右入糯米一撮水煎服仍量兒加減

紫草快癩湯 治痘疹血氣不足不能發出色不紅

活等症 即紫草湯

紫草

人參

白木

茯苓

當歸

川芎

芍藥

木通

甘草

糯米

右每服二錢水煎

人參胃愛散 治痘瘡已發未發吐瀉不止不思飲

食等症

人參

藿香

紫蘇

木瓜

丁香

茯苓

甘草

糯米

右每服三錢姜棗水煎

紫草木香湯

治痘瘡裏虛毒小場黑陷悶亂

紫草

木香

茯苓

白朮

人參

甘草

炒

糯米

右每服三錢水煎

大如聖飲子

治瘡疹癩毒攻咽嗑腫痛熱渴或

成腫毒不消等症

桔梗

甘草

鼠粘子

炒各一兩

麥門冬

五錢

右每服三錢水煎

四聖散 治痘疹出不快及倒靨

紫草茸

木通

甘草

炙

枳殼

麸炒

黃芪

各等分

右每服二錢水煎

獨聖散 治痘瘡倒靨陷伏用川山甲取前足嘴止

者燒存性為末以木香湯入少酒服之

快透散 治痘瘡出不快等症

紫草

蟬蛻

木通

芍藥

甘草

炙各等分

右每服二錢水煎

愚按海藏先生云身後出不快足太陽經也前出不快手陽明經也用升麻
芥甘草防風湯身出不快足陽明經也用防風芍藥
葛根湯四肢出不快足陽明經也用防風芍藥
草湯此皆解毒升發之劑也不可不知

鼠粘子湯

治癰疹稠密身熱等症

鼠粘子

炒

當歸

甘草

炙各一錢

柴胡

連翹

黃芩

黃芪

各一錢半

地骨皮

一錢

黃芪

右每服二錢水煎

當歸

甘草

一錢

紫草散

治痘疹黑陷氣血虛弱瘡疹不起

紫草

各一錢

甘草

一錢

黃芪

灸

糯米

各一錢半

右水煎服

益元散

治痘疹初起煩躁作渴等症

滑石

六兩

甘草

一兩

右各另為末每服五六分白湯調下

活血散

治痘疹血虛熱已出未盡煩躁不寧肚腹

疼

白芍藥

酒炒

右為末每服一匙糯米湯調下荔枝湯亦可對四

君子湯加歸芪名參歸活血散

參芪四聖散 治痘瘡 有熱出至六七日不能長

不生膿或作痒

人參

黃芪 炒

白朮 炒

茯苓

當歸

芍藥 炒

川芎

各五分

紫草

如無紅花代之

木通

防風

各三分

糯米

二百粒

右水一盞煎半盞徐徐服

人參透肌散 治痘瘡虛而有熱雖能出快長不

整隱於肌膚間者

人參

紫草

如無紅花代之

白朮

茯苓

當歸

芍藥

木通

蟬退

甘草

糯米各等分

右每服三錢水一盞煎半徐徐服

大連翹飲 治積熱大小便不利及痘後餘毒不解

肢體患疹或流溜遊走不止

連翹

霍麥

荆芥

木通

赤芍藥

當歸

防風

柴胡

滑石

蟬退

甘草

山梔

黃芩

炒各五分

右每服三錢水煎一歲每服一二匙三五歲者每服數匙

愚按前方苦寒辛散發散肌表疎通內臟之劑若

表裏實熱煩躁飲冷大便不通小便秘結者最宜

用之慎不可過劑恐復傷胃氣而變他症也若妄

發之則成斑爛妄下之則成虛脫

胡荽酒

治穢氣使痘疹出快

右用胡荽一把以好酒二盞煎一兩沸令乳母每
含一兩口噴兒遍身勻噴頭面房中須燒胡荽香
能辟除穢氣使痘疹出快煎過胡荽懸掛房門上
最妙

愚按前方昆宜用之若痘疹已出而飲食少思宜
用棗炙之兒聞棗香尤能開胃氣進飲食解毒氣
若因飲食停滯未及消導遂用此法恐反助其邪
以生濕熱則成痘毒也

哮喘

甘露飲子

治積熱及痘後咽喉腫痛口舌生瘡

斷宣腫

生地黃炒

麥門冬去心 焙

熟地黃

天門冬去心

黃芩炒

石斛

枳殼麸炒

枇杷葉去毛

茵陳

甘草炙各 等分

右每三錢水煎每服三五匙不可多服

愚按前方涼血解毒除濕清熱寒中之劑治者審

之

托裡散

治痘毒元氣虛弱或行尅伐不能潰散用

之未成自消已成自潰

人參

黃芪

炒各二錢

當歸

酒洗

白朮

陳皮

熟地黃

茯苓

芍藥

炒各一錢五分

甘草

炙五分

右三五錢水煎服

托裡消毒散

治痘毒氣血虛弱不能起發腐潰收

斂或發寒熱肌肉不生

人參

黃芪

炒

當歸

酒洗

川芎

芍藥

炒

白朮

炒

陳皮

茯苓

各一錢

金銀花

連翹

白芷 各七分

甘草 五分

右每服三五錢水煎服

八正散 治下焦積熱大小便不通或小便淋漓脉

症俱實者

大黃 酒炒

車前子 炒

瞿麥

篇蓄

山梔 炒

木通 各一錢

滑石 煨二錢

甘草 一錢

右每二錢水煎服

涼膈散 治上焦實熱煩渴面赤熱頭昏咽噪咽

痛口瘡便溺赤澀狂言譫妄睡臥不安

大黃

朴硝

甘草 各二兩

連翹 一兩

梔子仁

薄荷葉 各二錢

右為末每服一錢竹葉蜜些少煎服

解毒防風湯 治痘瘡毒氣熾盛

防風

地骨皮

黃芪

白芍藥 炒

荆芥

牛旁子

右每服四錢水煎服或為末白湯調下

人參理中湯 治中氣虛熱

人參

白朮 炒

甘草 炙各等分

右每服一錢姜棗水煎服為末姜汁糊丸棗豆大

每服二三十丸白湯下亦可

六君子湯 治脾胃虛弱不思乳食或嘔吐泄瀉飲

食不化或時患飲食停滯

人參

白朮

茯苓

各二錢

陳皮

半夏

甘草

各一錢

右每服二三錢姜棗水煎

補中益氣湯 治中氣不足因睡發熱或元氣虛弱

感冒風寒諸症

黃芪

人參

白朮

炒

甘草

當歸

陳皮

各五分

升麻

柴胡 各二分

右姜棗水煎

瀉黃散

治脾胃實熱

藿香葉

甘草 各七錢五分

白梔仁 二兩

石膏 五錢

防風 二兩

右用蜜酒微炒為末每服一二錢水煎

五味異功散 治脾胃虛弱吐瀉不食

人參

茯苓

白朮

甘草 炒

陳皮 各等分

右為末每服二錢姜棗水煎

四君子湯 治脾虛飲食不化或泄瀉嘔吐

人參

白茯苓

白朮

甘草 炙各五分

右水煎服

四物湯 治肝脾血虛發熱 無日晡益甚或煩躁不寐

當歸

熟地黃

各二錢

白芍藥

炒一錢

川芎 五分

右作二劑水煎服

桔梗湯 治咳嗽吐膿痰 中有血已成肺癰

桔梗

炒

貝母

當歸 酒浸

瓜蒌仁

枳殼

麸炒

薏苡仁

桑白皮

炒

百合

蒸各一錢五分

五味子

炒

甜葶藶

炒

地骨

皮

知母

炒

甘草節

防己

黃芪

炒

杏仁

各五分

右每服一二錢水煎

四順清涼飲

治積熱煩

赤作渴四肢驚掣大便

瀉

赤芍藥

當歸

大黃

甘草

各等分

右每服一錢水煎

蟾蜍丸 治無辜疔症 服虛熱退二服煩渴止

服瀉痢愈

蟾蜍

一枚夏月薄泥不中取腹大不跳不鳴白不多癩者

右取糞蛆一杓置桶中以尿浸之却將蟾蜍跌死投與蛆食一晝夜用布袋盛蛆置急流中一宿取出瓦上焙乾為末入鹿香一字粳米飯丸麻子大每服二三十丸米飲下甚效

人參敗毒散 治傷風時氣寒熱咳嗽

人參

茯苓

甘草炒

前胡

川芎

羌活

獨活

桔梗

柴胡

枳殼 各等分

右為末每服一二錢生薑煎薄苛水煎

仙方活命飲 治一切瘡毒未成內消已成即潰此

消毒排膿止痛之聖藥也若膿出而腫痛不止元

氣虛也當用托裡散之類

川山甲 白芷 防風

沒藥 甘草 赤芍藥

當歸尾 乳香 天花粉

貝母 各一錢 金銀花 各三錢 陳皮 各三錢

皂角刺 二錢

右每服二三錢酒水各半煎

禱効隔蒜灸法

治痘疔毒氣熾盛使諸痘不能起

發已起發者不能貫膿已貫膿者不能收靨或大
痛或麻木痛者灸至不痛不痛者灸至痛其毒隨
火而散京師嘗見治此者即以線針挑破出毒血
諸毒隨時貫膿若挑破不痛不出血者難治若用
此法灸之即知痛更用針挑破紫血隨出諸痘隨
貫亦有生者其法用大蒜頭切三分厚安痘疔上
用小艾炷於蒜上灸之每五壯易蒜再灸若紫血

○ 出後腫痛不止尤宜當灸治者審之

神效當歸膏 治痘毒津淫或湯火等瘡不問已潰

未潰

當歸

黃蠟

生地黄

各一兩

蘇油

六兩

右先將當歸地黃入油煎黑去渣入蠟融化候冷攪勻即成膏矣

蛇蛻散 治痘毒目翳

蛇蛻

二錢 爲末

瓜萋仁

五錢 研爛

右用羊肝一片批開入藥末二錢線扎緊用米泔

煮饀類與兒食或乳母食

荆芥甘草防風湯 解痘毒

荆芥

甘草

防風 各等分

右每服一錢水煎

防風芍藥甘草湯 解痘毒

防風

芍藥

甘草 各等分

右每服一錢水煎

麻黃甘草湯 治表實痘毒熾盛

麻黃 五分

生甘草 三分

右水煎服

輕粉散 治出痘眼内生翳

真輕粉

黃丹 各等分

右研左眼有翳吹入右耳右眼有翳吹入左耳更以藁豆皮穀精草白菊花各一兩爲末每服三錢乾柿一枚米泔一盞煎乾將柿去核食之不拘時候日三枚

成都方士禹太和云治痘瘡黑陷垂死者用壁間喜蜘蛛如黃豆者一枚搗爛若一歲兒用雄黃一厘二歲者用一厘十歲者一錢再同蜘蛛研勻用好燒酒一杯調和徐徐服之余意此方即同前十二

味與十一味異功散之相類也若因陽氣虛寒不能營運周身以致四肢逆冷腹脹唇青其色黑陷者宜用燒酒若因元氣虛乏或色淡白隱隱見於肌膚而不能起發者宜用陳酒亦可不可拘滯於燒酒也若小兒未週歲者宜酌量與服之亦不可拘於杯許也又有一等氣血俱虛者或色淡紅而不光澤又不起發或驚悸咬牙用紫草與紅花以陳煮酒濃煎與兒服之亦可以保其全生也用者宜審諸

抱龍丸

治痰熱喘嗽發熱驚悸不安亦能發痘瘡

膽星 四兩

天竺黃 一兩

雄黃

硃砂 各五錢

射香 少許

右爲細末用甘草一觔煮汁爲丸每一兩作二十丸用薄荷或燈心湯化下

造膽星法南星不拘多少腊月臘水浸洗切塊晒乾爲末用黃牛膽汁拌勻仍用牛膽殼裝入填滿以線扎口懸掛當風處陰乾隔年方可用

憑按前方清熱豁痰利氣之藥過劑則脾肺復傷而反不愈或更加胸腹作脹飲食作嘔者宜用人

參白朮散培補中氣

五福化毒丹

治胎毒及痘後頭面生瘡眼目腫痛

生地黃

熟地黃

大門冬

去心

麥門冬

玄參

甘草

法心

各三兩

甜硝

各三兩

青黛

一兩五錢

右為末煉蜜丸芡實大每服一丸白湯化下

愚按前方生血涼血解毒寒中之劑用之得宜殊

有良驗不過一二丸

犀角消毒丸

治諸積熱及痘疹後餘毒生瘡

生地黃

防風

當歸

犀角屑

鎊

荆芥

各一兩

牛蒡子

炒

赤芍藥

連翹

桔梗 各生錢

薄荷

黃芩 炒

甘草 各五錢

右為末煉蜜丸芡實大每服一丸薄荷湯下

愚按前方清熱解表涼血破血消毒損胃之劑多不過一二服大凡痘毒當參前痘瘡候飲冷水韶粉散治法用之餘倣此

敗草散 治痘瘡過搔或瘡膿血淋漓謂之斑爛用

屋爛草或蓋墻爛草多年者佳如無曠野生者尤佳為末搽之

愚按前症亦有氣血虛熱而不愈者如遍身患者

須多摻鋪席上令兒坐臥其瘡即愈

羊肝散 治痘毒入眼或無辜疔氣入眼

蜜蒙花 青箱子 决明子

車前子 炒

右爲末用蜜蒙花末三錢餘藥各一錢拌勻用羊
肝一大葉薄批摻上濕紙裹煨熟空心食之
愚按前症若因肝經風熱傷血宜用本方若因肝
經血虛風燥宜用四物湯加山梔鈎藤鈎牡丹皮
若因肝經血虛生風或腎水不能生肝木宜用六
味丸若成肝疔者用六味地黃丸以滋肝腎用四

味肥兒丸加入參白朮以補肝脾

一小兒痘瘡目生昏翳或作或徹服退翳之藥不愈診之脈絃細而數此乃肝腎有疴症余用九味蘆薈丸及六味地黃丸又與輕粉黃丹散尋愈

一小兒患兩目赤腫痛不可當此肝火爲患用四物合小柴胡加山梔牛蒡子生甘草倍用穀精草數劑而愈

一小兒痘愈後眼痛不開用犀角地黃湯加柴胡湯一劑而開又生赤翳迷滿仍用前藥加穀精草

加之而愈

菊散 治癰瘡入眼或病後生翳障

蟬蛻 洗淨 去上

白菊花 各等分

右每服二錢水一盞入蜜少許煎乳食後量兒大

小與之

羌菊散 治痘毒上攻生翳并暴赤羞明

羌活

蟬蛻

防風

蛇蛻

菊花

穀精草

木賊

甘草

山梔子

白蒺藜

大黃

黃連

沙苑蒺藜 各等分

右爲末每服一錢清米泔溫煖調下

丹粉散 治痘毒膿水淋漓

輕粉

黃丹

各五分

黃連末 二錢

右研勻搽患處

羚羊角散 治小兒癩疹後餘毒不鮮上攻眼目生

翳羞明眵淚俱多紅赤腫閉

羚羊角

銹

黃芩

黃芪

草決明

車前子

升麻

防風

大黃

芒硝

各等分

右以水一錢煎半錢去滓稍熱服

消毒化癍湯 治小兒癍疹未滿二十一日而目疾

作者餘症上同 即消毒湯 救苦湯

羌活 五分
藁本 一分
細辛 一分

黃連 三分
黃芩 一分
酒苓 二分

酒栢 三分
生地黄 三分
麻黃 五分

升麻 五分
白朮 一分
蒼朮 二分

生甘草 一分
吳茱萸 半分
陳皮 一分

紅花 半分
蘇木 一分
當歸 三分

連翹 三分
防風 五分
川芎 二分

葛根 一分
柴胡 二分

右作一服水二錢煎至一錢去滓稍熱服

穀精草散 治痘疹已靨翳膜遮障瞳子等症

穀精草 一兩 蛤粉 黑豆 各二兩

右為末用雄猪肝一葉竹刀批開搽藥在內以麻

線縛定砂罐內水煮熟令兒食之

當歸補血湯 治血氣損傷或妄服峻劑致氣血益

虛肌熱大渴引飲目赤面紅脉洪大而虛重按全

無此病多得於飢飽勞役者

黃芪 炙 當歸 三錢 酒製

右水煎乳母同服

濟生犀角地黃湯 治鬱熱不解經絡隨氣湧泄為

衄血或清道閉塞流入胃脘吐血或餘血停滯面

色痿黃大便色黑者

犀角

生地黃

白芍藥

牡丹皮

各二錢

右水煎服乳母同服

四神丸 治脾胃虛弱大便不實飲食不思或泄利

腹痛等症

肉豆蔻

二兩

補骨脂

四兩

五味子

二兩

吳茱萸

浸炒 一兩

右爲末生薑八兩紅棗一百枚煮熟取棗肉和末
丸桐子大每服五七十丸空心或食前白湯服去
五味子吳茱萸各二神丸

四味肥兒丸 治小兒食積五疳或白禿體瘦肚大
筋青髮稀成穗或遍身瘡疥等症

蕪荑

炒

神麩

炒

麥蘖

炒

黃連

各等分

右爲末猪胆汁丸黍米大每服二十九丸木通煎湯

九味蘆薈丸

治小兒肝脾疳積體瘦熱渴大便不

調或瘰癧結核耳内生瘡等症

小胡黃連

黃連

蘆薈

木香

蕪荑

青皮

白雷丸

鶴膝草

麝香

右為末蒸餅糊丸麻子大每服一錢空心白湯下

大蕪荑湯

一名梳子
茯苓湯

治小兒脾疳少食發熱作渴大

便不調髮黃脫落面黑便清鼻下生瘡能乳食土等症

山梔

三分

黃柏

甘草

炙各二分

蕪荑

五分

黃連

防風

各二分

麻黃

羌活

柴胡

各三分

白朮

茯苓

當歸

各四分

右每服二三錢水煎

濟生歸脾湯 治脾血虧損健忘驚悸等症

人參

黃芪

茯神

各二錢

甘草

炙五分

白朮

炒一錢

木香

五分

遠志

酸棗仁

炒

龍眼肉

當歸

各一錢

右水煎服

愚按前方若乳母憂思傷脾血虛發熱食少體倦或脾不能攝血以致妄行吐下或健忘怔忡驚悸少寐或心脾作痛自汗盜汗或肢體腫痛大便不

調或經候不准，晡熱內熱，或唇瘡流注等症，致爲患者，用之。令子母俱服。

八味地黄丸，即錢氏地黄丸，加肉桂、附子各一兩。

愚按前方治稟賦命門火衰不能生土，以致脾土虛寒，或飲食少思，或食而不化，臍腹疼痛，夜多漩溺等症。若病久元氣耗損所致，尤宜用之。或乳母命門火衰，兒飲其乳，以致前症者，母宜服之。

加減八味丸，即六味地黄丸，加肉桂一兩，五味子四

兩。治稟父腎陰不足，或吐瀉久病，津液虧損，口乾作渴，或口舌生瘡，兩足發熱，或痰氣上湧，或手足

厥冷等症 古主養兩足發熱短氣尿上熱如手

八珍湯即前四君子四物二湯相合

愚按前方治氣血俱虛或因剋伐之劑脾胃虧損

肌肉消瘦發熱寒熱飲食少思等症

十全大補湯即八珍湯加黃芪肉桂

愚按前方氣血虛弱或稟賦不足寒熱自汗食少

體瘦發熱作渴頭痛眩暈

逍遙散 加牡丹山梔名

加味逍遙散 黃芪 肉桂 茯苓 白朮 芍藥 甘草 炙

當歸 芍藥

芍藥 酒炒

茯苓 白朮 炒

柴胡 各

牡丹皮

山梔

炒各七分

右水煎服

愚按前方若乳母肝脾血虛內熱或遍身搔痒寒熱或肢體作痛頭目昏重或怔忡頰赤口燥咽乾或發汗盜汗食少不寐或口舌生瘡耳內作痛或胸乳腹脹小便不利致兒為患者尤宜用之

丸味龍胆瀉肝湯治肝經濕熱或囊癰下疳便毒

小便澇滯或陰囊作痛小便短少

愚製

龍胆草

酒炒五分

車前子

炒

木通

當歸尾

澤瀉

各五分

甘草

黃芩

生地黃

山梔

各三分

右水煎子母同服

抑肝散 治肝經虛熱發搐或發熱咬牙或驚悸寒

熱或木乘土而嘔吐痰涎腹膨少食睡臥不安

軟柴胡

甘草

各五分

川芎

八分

當歸

白朮

炒

茯苓

釣藤鈎

各一錢

右水煎子母同服

梔子清肝散

一名柴胡梔子散

治三焦及足少陽經風熱耳

內作痒生瘡或水出疼痛或胸乳間作痛或寒熱

往來

柴胡

梔子

牡丹皮

各一錢

茯苓

川芎

芍藥

當歸

牛蒡子

炒各七分

甘草

右水煎子母服若太陽頭痛加羌活

柴胡清肝散

治鬢疽及肝胆三焦風熱怒火之症

或項胸作痛瘡毒發熱愚製

柴胡

半一錢

黃芩

炒

人參

川芎

各一錢

山梔

炒二錢半

連翹

甘草

五分

桔梗

八分

右水煎子母同服

小柴胡湯

加山梔牡丹皮
名加味小柴胡

治傷寒溫熱身熱惡風頭

痛項強四肢煩疼往來寒熱嘔噦痰實中暑瘧疾

竝服之 闕注

柴胡 錢

黃芩 炒一錢半

人參 微火炙

半夏 各七分

甘草 炙五分

右姜水煎子母同服

愚按前方若肝胆經風熱肝火癩癰寒熱往來日

晡發熱潮熱身熱不欲飲食或怒火口苦耳聾咳

嗽或脇痛胸滿小便不利或泄瀉吐酸苦水或肢

體搖動唇目抽劄並宜用之

砭法 治丹毒疔瘡紅絲走散或時毒癩血壅盛或

色赤走胤用細磁器擊碎取有鋒芒者以筋劈開

頭夾之麻線纏定兩指輕撮筋稍令磁芒正對患

處懸寸許再用筋頻擊

神功散 治痘毒腫焮作痛未成者敷之即散已潰

者敷之腫痛即消

藥黃柏炒 重則敷 草烏炒

血竭加

右為末等分津調敷患處

製附子法

一兩二四錢每斤重 煎取汁平昔未散

製附子重一兩三四錢有蓮花瓣頭圓底平者先備
童便五六碗將附子先放在竈上烟櫃中間良久
乘熱投入童便浸五七日候潤透揭皮切四塊仍
浸二三日用粗紙數層包之浸濕埋灰火半日取
出切片檢視有白星者仍用瓦上炙熟至無白星
爲度如急用即切大片用童便煮二三沸熟瓦熟
用之

丹溪先生解瘡毒藥

絲瓜

升麻

芍藥

酒炒

生甘草

山查

黑豆

赤小豆

犀角各
等分

右爲麤散每服三錢水一大盞煎至六分去滓不
拘時徐徐溫服量大小加減

稀痘方

用老鼠去皮取肉水煮熟量兒大小與食數次出
痘甚稀未食輒時與食尤効屢試屢驗